

小方壺齋

小方壺齋

五嶽考

• • 張崇德著

天下有五嶽在青州曰東嶽岱山在雍州曰西嶽華山在豫州曰中嶽嵩山在荊州曰南嶽衡山在冀州曰北嶽恆山按虞書東巡狩稱至于岱宗餘三方皆不舉山禹貢冀州有太嶽卽今霍州之羣山蓋唐虞都冀以冀爲中州以霍爲中嶽以岍爲西嶽爾雅所謂河西嶽是也卽今隴州岍陽縣之吳嶽周都豐鎬以華爲中嶽東遷後始以嵩爲中嶽華爲西嶽秦復以岍爲西嶽盛宏之荊州記云黃帝以灋霍山爲南嶽副漢武帝以衡遠徙南嶽之祭于灋霍山卽今廬州府霍山縣一名衡山一名天柱山者也繇是觀之霍華嵩嘗遞爲中嶽岍與華嘗遞爲西嶽衡與灋霍又嘗遞爲南嶽其不變者獨東岱與北恆耳三代以前西北廣東南隘漢以後東南日闢西北漸淪故中州之名不冀而豫中嶽之號不霍而嵩者亦時與勢爲之也夫

恆山蹟志

關 名

嶽地離地數千尺南面拱立絕匪孤危由九天宮會仙府右崖俱可達多黃石如屋扉如切雲冠如架凡案多矮松廣圍禿巔蒼根亂藤交結山骨不拔不墜大朗氣清俯矚遠近村峪皆堡如碁子錯落方野間三關五臺如弓影一髻略可猜見嶽居絕域遊蹤希罕元都妙觀荒毀或多筆硯吟鵲遡焉託寄然垂紳珮玉闔闔尊嚴是三代兩京衣冠人物非角巾塵尾王謝家風也

元靈宮在嶽頂下內外三楹倚巖爲壁沈深若思鑪香紫煙風不即散曉鍾午磬聲若有往信觸覺逝殿階層九十八級旁列杆檜歲少亦五百載葉匪春榮翠靡寒謝分行鶴立儼然侍臣奠神靈修祀事嵯峨巖茶地固莫尚于茲

石脂圖五色石卵所自結方可四十寸山固多石類此特布置整密亭午松陰翠蒙圖表遠望如剝落古碑中爲蝌蚪文者在嶽頂正東

棧雲岡在石脂圖東嶽險僻以岡爲最行三五步頓易前途修復今蹟雲停岡斷雲往岡連也岡下爲澗石峯如筆如劍如枯槎如級梯獸奔疑羣禽翔迷出積氣寒瘦白日幽光緇服鹿裘之士或契淵懷浮慕勝情者杖履攸却矣

振衣臺在元靈宮左澗道旋上可百五十步叢刺延裾高蓬接杖臺故墜石方半畝級階天造縫中嵌生小松盤就石勢下矚恆水浩歌滄浪想昔人升憩固有萬里流千仞岡之概

紫芝峪在振衣臺上多舊松根支節杪枿纏若筋絡春深根馥芬潤雲草傳爲昔人采芝處樓元者蒙飢覓殮與逝寂返樵夫牧子往往不識拾以助炊世間靈藥未屑與凡骨相期若此

白雲穴在棧雲岡之東巖鏤如掩戶鏤雲則陰州人候以下雨徑曲上如修蛇雜沙石投履交瀉智勇俱

詘承莽作級盤行或臻轉眺三面景光胥納寬綽席地當更錫以嘉名

舊殿在白雲穴東

俗名
巖宮

亦巨穴也逕偃仄行踵趾相遞撐拄擎底橫柴木爲飛橋互一千武始達穴門橋

上履聲如瓮殿三楹結構憑虛超發意想穴覆空如蓋左右壁如曲屏高松接天目竭未極時有老鶴往來其間盛夏凝冰皚皚幽壑以故遊蹤進止者歲計方疏矣

還元洞在舊殿內左側深淺莫計森寒幽黯氣侵肌膚舊壘石塞門明萬厯間巡按御史黃應坤來山中始如今制易名復還天巧洞云

飛石窟在舊殿內右側可容三客坐山中如是窟者奚止百區譌說荒唐不足深辯存其名可也

紫霞洞在舊殿東有紫霞元君祠門外懸流界道拖素如練石稜湍濺碎撒珠跳流斷秋寒山樵以爲聚炊之所

夕陽嶺紫霞比隣也面西壁立孤屏如削夕日返景煙風籠罩貌如薄幃苔點石皴工奪繡繪舊傳在曾仙府者訛

得一庵在夕陽嶺東逕險仄榛棘交橫峯簷凸凹行者五體投地以進魏道士者名清泉號得一明神宗時人喜清淨結庵自居通悟仙書手畫代誦布衲袴膝處屢穿根皮麥菽異殮同飽庵居數十載遊止未越三百步外康熙時尙在後坐逝及今童子皆知魏道士云

曾仙府在元靈宮西塑列仙像故名府極軒敞巖尤高宏春被翠蘿秋然紅葉棕團椰勺晨夕其間不必騎鶴吹笙之客始堪把臂矣府東爲萬壽亭爲文昌閣俱極幽秀集仙洞在府北巖上府始基處也

琴棋臺在會仙西北巖不滿半弓鑿象戲局方可尺五舊有石棋今失雖好事者爲之亦令近懷淵淵遐想

通元谷在琴棋臺西有石門意象竊突煙霞古初小憩追來忽若易夕傳爲張果燒丹處唐開元時果賜號通元先生是以通元名谷

九天宮由通元谷南下將五百步黃冠所居殿庭樓閣苞茂整齊鳴鼓考鐘響振通谷延賞者爲雲樓冠冕門外悉生藥草春茁露芒秋曜霜菊摘佐殮茗芬清絕喻東面白雲紫霞諸勝若待招致馮欄月夕煙杳在下矣中有道士古傲類軒轅彌明不識文字談山中典故便於轆轤按證信的迴匪游移宮得今構五十年覆簣之力也姓劉氏名一雲

純陽宮在九天宮前呂祖師嘗降乩于此舊有詩碑今失

白虛觀

俗名十王殿

在純陽宮前舊有明人書陰符經石刻修廟時廢爲階板有磨滅未盡者猶隱隱可見在

元靈宮下

元武井在白虛觀左不三尺地獲雙穴甘苦殊味苦不食有事于山者不敬滋擾雙泉並涸

翠雪亭在九天宮右今廢遺址爲麥場旁多雉穴鳴如踏機西行數十武登平岡望渾源城郭在萬山中儼然生龜脫筒初出應州浮圖崢嶸上霄如可彈接陽秋草木敷暢流觀易諸冬春風雪泥沙蓬根俱斷九邊寒色此其一班

望仙亭在翠雪亭下右臨恆水晝夜相攻雷響川發南俯平麓高下惟田時當夏初麥葉被隴山花照溪野香難名碧安如熨彷彿晉代桃花僊源回仰集仙琴棋蒙茸翠裏幾許諸天更在藤蘿外矣

虎風口由步雲路入山此半途矣風從東南來以口爲納風生西北以口爲出其勢折逆其鳴咆哮口時木坊旁立介石兩步前有金龍口不傳所自名

大字嶺

俗名大石壩

在虎風口上潤道前旁石勢爪牙氣乾腥如旱夏驟雨率木引草以進上獲巨穴可布四

小方壺齋輿地叢鈔

卷四

恒山蹟志二

南清河王氏鐫版

筵穴口平沙隨颼綽如木理如波浪間雜鳥跡詢之羽流知往者僅矣

果老嶺在虎風口前爲入山孔道傳張果跨驢留手跡齊東野語姑妄言之

真武廟在果老嶺下廟像嚴肅冠絕他山殿下雙松神寒骨重超倫絕羣唐宋代物矣門外復三株一尤奇古頂上六七枯枝伸如利爪有心事擎雲之狀下如老人欠身又若將俯揖者廟有明武宗時紀功禱雨三碑文與書刻俱劣不錄

步雲路由磁硤東北來入山初逕也地延百折鳥上千盤步騎相兼隨行替憩再易時纔望嶽所

懸空寺在磁硤上爲北嶽門戶相去尙十五里壁岸無階岑樓自得希見晞景攢虛藉暉中有如來彌勒跌龕騎牛負劍仙人之居楹角門湊妙絕根尋時牽制欄檻翹仰南崖如江海巨汎因風欲掀又如萬戟攢倚審顧擲向之勢忽聆空誦煙霧晦晤風擾谷虛成竊也飛鳥默度攀猿廢緣險巧幽妙疑信互忖崖下千尺卽恆瀝雙流奔滙處近號磁硤前魏道武帝天興元年克燕將自中山北歸平城發卒萬人鑿恆嶺通直道五百餘里硤之始基也宋楊業守三關亦鎮兵于此敵樓戍壘雲閣虹橋址跡都在雙崖來險巘流相承一夫橫矛中外限絕西蜀陰平未易論比寺北向有太白祠在恆水上有太白手書蹟寺傳爲南宋時建菟羅碑碣了無據焉

兔兒山記

關 名

入西安門折而南曰蠶池蠶池者蓋異時宮人治蠶之地云蠶池往來道所經有殿曰光明殿殿之側爲兔兒山山之左右各有徑折而上皆布以磚磚刻畫爲龍文徑之左右皆大石排比相屬高五六尺或八九尺大抵山之前後左右皆布以石云從其左拾級以上十餘步卽得一石門數折至平地爲亭又從亭側折而上又得一石門又數折爲一臺蓋其巔云其右之徑與石與門亦如之山之下纍石爲洞者三又鑿白石爲龍蟠于地有銅鐘臥其旁莫得其款識其前有臺曰旋馬臺溝而環之渡石橋橋白石爲之刻畫爲龍者五臺圍其外而方其內凡三折而上至其巔若旋螺然巔故有亭亭已毀臺之下皆廢爲畦其高得山之半山有樹數十株突兀披離甚奇其他舊蹟尙有存者大抵皆敗瓦頽垣而已登山而望山之巋然而特高者曰景山卽向之煤山也園林之叢茂者曰瀛臺卽向之西苑也御河潌繞如帶曰楊老柏丹瓦崇垣傍河而殿者曰承光跨河而梁者曰金鼇玉螭曰積翠堆雲也有土巍然倚河而高塔其巔而寺其麓者莫知其名或曰此卽遼后梳粧臺也城內外百餘萬家一舉目而盡而西山蜿蜒磅礴在烟雲縹緲之間嗚乎此山在禁中異時雖公卿莫能至而今則遊人羈客皆得以遊覽徘徊而無所忌蓋物理之循環往復有固然者

小方壺齋輿地叢書

第四輯

遊翠微山記

桃源尹耕雲著

咸豐己未十月十二日戊申午後出門將往檀栢因風大改道出西便門往海淀宿于○澄懷園潑伯寅學士厲齋與許仁山宮詹同飲茗室亦至

十三日己酉辰初起待伯寅下直同飯已正風起伯寅尼余行強與之別出門向西過馬廠經萬壽山○靜明園道旁松數千株蒼蒼攢簇策蹇負戴者往來其間數里至青龍橋市廛甚整飭又數里入金山口行沙石中隨山曲折至寶藏寺寺僧導余坐清涼厂開軒東面園亭民居歷歷在目圓若鏡者昆明湖也香山翼其南塋影淩霄朱甍耀日再上則爲湖天一覽錢萍虹侍郎題詩于壁小憩復西行過香山八旂營房至臥佛寺寺率坡甚坦入琉璃坊門門內有橋池水清澈松蘿三樹葉大于掌折而嗅之有清香其子可療胃病覓諸寺僧已不可得寺舊名兜率○本朝重建榜曰十方普覺琉璃坊下唐以後碑記沒矣登臥佛殿佛金身丈六作臥態西牆懸孔子畫像成化年製不知何以至此西爲○行宮繚以迴廊有亭曰古意亭前甃石爲池方可畝許水自西院觀音巖下竇中出琤琮有聲時已申初寺僧欲止余乃別之約行六七里至聚寶山稍北沿坡而上犖确頗不宜車夕陽已頽葉聲如雨乃至碧雲寺而休焉寺爲耶律文正之子捨宅于僧明關魏忠賢擴之土木丹青極其壯麗向隸香山爲○臨幸所○○○宣廟畫出交僧守之稍荒寂矣住持曰廓明河南商邱人爲余治饌詢賊躡歸德狀寺因山爲高下寺門石梁左右深澗拾級而上去地已將百尺自門而上佛殿凡九所每登一殿必歷堦數十級最後曰毘盧其西廂余所宿也諸天咫尺高不勝寒矣

十四日庚戌早起以詩贈廓公飯畢寺僧導余瞻禮羅漢殿羅漢五百尊金容燦爛僧言香柑爲胎狀不重出具見匠心殿凡八十一間四門各立佛一尊梁上有小佛僧云羅漢修塑已齊此尊自至故供諸梁

上殊涉荒忽出羅漢殿向後凡越殿數重自毘盧殿後出登金剛坐石塔塔後乃聚寶山結穴氣脈雄厚傳言明關魏忠賢欲占爲葬地故修建極土木之功塔造乾隆間○○御碑大指謂塔乃佛葬髮指之所佛法惟莊嚴故信從者眾西僧來朝故仿其式建此七層只四層可登登之遠近百里皆在目前塔上生柏樹一株塔座後供大士墨玉所鐫下塔東向入一院松陰覆徑泉聲泠然亭曰洗心將就頽壞遊畢日已亭午復西行過香山○閱武樓樓下有圓城所見坡陀起伏下有河身蓋山水發時所衝突抑別有河已湮歟凡十數里乃至翠微山數里外已見證果寺丹碧煥然問途得盤道上山曲詰里餘乃造寺門風愈大不可行遂訪寺僧曰慧安者揖之慧安延余于翠微山房止焉

十五日辛亥早起遊秘魔崖石岸西出如鵬展翼下容方丈高止中人境甚可怖盧帥不知何許人自盧溝河來此憩崖下夜有兩童來侍曰吾龍子也師乃度爲沙彌唐時大旱師祈雨靈異宋時封二龍爲王證果寺明時重建○國朝乾嘉間寺僧新之最精之室則余所宿翠微山房也早飯畢携僧雛如性上山初猶乘驢至大悲寺漸陡不復可騎令圉人還證果余登大悲壇飲茶于僧寮復登久不山行筋骨疲輒至龍王堂不足一里已息三四次乃達觀魚問竹庭有玉蘭高與簷等惜非花時耳臥遊閣最高俯眺平疇如鄧西直諸門樓皆可見足力不支屬寺僧覓山輜以一椅穿二木四人肩之上下甚便捷然下懸崖臨深淵亦可懼也乘輜至香界寺寺門內有○○御書敬佛字大可六七尺佛像莊嚴最後爲佛樓度三藏真經寺僧強余閱之匆匆不甚解下樓觀寺僧達大

乾隆時入法華諸經註疏

疏西行觀于○行宮由隨山門

出乘輜上山路愈峻而樵者沿緣仄徑自若也又里許乃至寶珠洞乃翠微最高處也識畧謂其洞內有光形如蚌之翕張故以寶珠名之今則佛廬蔽洞前非轉至後牆不知洞之所在勝蹟湮矣飲茶水不若龍王堂之作乃下山循舊路遊靈光寺寺已在山下坡不可眺遠而有白石浮圖掩映紅牆紺宇殿前有

蔦蘿二株施于松上松大數抱已枯而蔦蘿凌霄蔽日想春夏時翠蓋重重可觀也水泚泚鳴草際軒窗俱修潔他日再游此地亦可居耳

十六日壬子早起至祕魔崖題昨日所作七言古詩並寫詩與慧安慧安出所藏貴慶崇恩二君詩集示我不忍重拂其意受之此行本往檀栢自檀栢折而翠微乃以風故且無伴故改游翠微四日而裹糧已罄遂歸自翠微至西直門不過三十餘里不知前日何以蜀道視之竟不一往途次過恩濟莊白雲觀皆有詩至家日已晡

遊太行山記

嘉魚劉心源著

光緒十有九年九月晦戊申江夏吳華峯約遊西山西山一曰香山太行八陁之一也是日岳柱臣文仲
雲皆以弟偕出城啜茗萬壽寺寺俯清谿檉柳陰映○○皇太后輪舟所泊三里至海甸出市門西原
野豁開稻畛輻連湖山交勝草樹茂悅無異南中八里至○○頤和園電燈公所柱臣總辦因止宿焉園
有萬壽山昆明湖山在湖北○○皇太后行宮也時方修造從工匠入東門有柏一區左右有廳從官
奏事者所居入柵欄門爲○○仁壽殿前列銅龍鳳各二銅鼎四銅缸二殿右玉瀾堂爲○○今上行宮
南爲玉瀾門前枕湖岸石欄映波萬頃一碧疊標塔樹倒影鏡虛沈動不可爲狀藻苔茵鋪鱗羽翔泳微
風縐漪天日浴晃金光散聚堂西爲對鷗舫丹楹偃石欄而立石階入水如魚缸玉瀾堂後爲百步廊自
東而西二百七十六間間四步實不止百步也中有三亭東曰留佳中曰寄瀾西曰秋水廊外交柏甍以
牡丹率二樹一花廊西湖濱有石舫長可十丈旁綴兩輪其上爲亭西垣外新斲三槎竹形者一腐木形
者二槎尾著柯葉皆生肖焉日暮循青龍橋東歸謁元相耶律楚材墓墓在宮門南垣明日爲十月朔已
酉早食陟萬壽山東麓兩巒伏處有石門額題紫氣東來四字實諧趨園外門也其內門沒階卽大沼清
鑾澄淥飛宇翼波由門南轉爲引鏡殿池東爲飲綠亭右接知魚橋橋門石柱額兩面刻乾隆○○御製
詩到知春堂堂北有圓亭稍北有碑亭又北爲含雅堂堂右結石綠山有霽清軒軒右長廊斜折下北麓
有清泉西自山閒來余記此筆方稿龔泉寫之又北爲眺遠齋南望前山景福閣齋右廳額題嘉木樹庭
四字廳前有池可二頃西通昆明湖清見蘋根游魚結隊乘空而行水入地穴伏廳下穿後垣出爲小溪
歛鬱寒碎心耳爲清溪岸卽眺遠齋後額題瓊敷玉藻四字有大道達青龍橋行者唱于若在階下實垣
外也池左前石道緣山脅又至諧趣園門門前山半有院新築不知名其堂下地室施鑪當是煨房出院

稍右山頂爲景福閣舊名曇花閣前俯昆明湖水日激盪菱花偃憎早風蕩霧頗黎鱗碧左右湖山稻稻
 斬斬麥苗暗青疏柳橫橋行人如豆西山負勢而立臨鏡欲動閣後松楸班列人烟自樹隙出布哇如罽
 東望圓明園北望前明十三陵裂皆可數從閣西隅下迤邐行半阪有廳當風駕翻不爲少移若紙爲綴
 線者下墜至劍石亭石脊劍銳森羅亭旁其最高者度三丈亭西山路平登太湖石夾道怒立穉柏青拱
 至卷書殿殿形如卷書故名殿前登路下山迤邐有閣又西有兩院皆新葺不知名又西梯石上山有三
 閣亦新葺閣前除地夷敞繚以甃欄又西爲萬壽山石礮層上豐碑中峙乾隆○御書萬壽山昆明湖
 六字碑寬可五尺長丈餘碑後有樓駕山架起兩亭翼舒亭中皆有木塔下施機軸伏泉涌激兩塔自轉
 名曰轉輪藏由樓下穿石室五折而上爲智慧海瓴甕縹緗牆嵌千佛山後石道下爲十八羅漢堂有佛
 身長丈餘智慧海前丈許有石排樓額題眾香界坐此下視昆明湖形如飛蝶張翼北翥而尾南出湖西
 有小城如磨園戶云團城樓閣久圯湖中有龍王堂如西湖水心亭繞湖新柳童童如翠葆自西而南六
 橋縈帶亦仿西湖爲之眾香界下寬平爲五百羅漢堂故址今修亭已立碣基矣亭下山爲寶雲閣額
 題大光明藏四字此閣瓴甕檁柱禁區度案皆銅造扉開網戶索銅織之蟬翼羅文工巧奪慮前有石排
 樓面背以七律詩爲額聯兩旁額聯則五言律詩也東行爲德暉殿冠山抗棹翼以配殿左右修廊低亞
 截厓設級忘其崿嶮正殿後石壁削立從中鑿階九等乃左右斜出而上至山半各折趨中則逮五百羅
 漢堂矣德暉殿前爲排雲殿殿負德暉一如德暉之負五百羅漢堂其階制亦然排雲殿右爲紫霄殿有
 臥碑在其後碑刻乾隆○御製西師詩排雲殿丹陛列大銅鼎五銘曰乾隆年造大銅缸四銅龍鳳各
 二皆新鑄缸腹外合篆萬壽二字圓徑三尺許是鼎黃金屑畔有金錯天地一家春五字小篆書前出有
 方池駕橋再前牌樓則昆明湖岸也由此出秋水亭西有樓額云山色湖光共一樓樓北爲聽聽館先入

院門有三廳形宇對雷北廳額云貴壽無極南廳不知名西廳額云祥開萬春此後卽館也館爲殿制庫山八楹對起歌臺藻井二重反虛聚響二面木階衣以紅氍毹踏無履聲出院門循百步廊東至留佳亭北值水開渠略約橫跨豐蔣攢嶺魚聚橋陰北入養魚軒門額云川泳雲飛由門內東出爲扇面殿殿居山陬甚小上寬下陜形如扇面又東出爲樂壽堂○○皇太后所居也堂兩隅以大銅缸注水銅鹿銅鶴各二銅瓶高可五尺皆旅於階前院門內以太湖石爲屏橫可二丈高丈許形如臥牛上鑄青芝岫三字堂東配殿前出爲宜芸館館前卽玉瀾堂也哺後循文昌閣外垣細柳周護穿翠行里許至昆明湖東門岸側有石缸稍北有碑形如刻圭面背鐫詩乾隆甲申年建也石缸稍南有銅牛臥石臺上北首向湖用以壓勝綠質滑澤背右有乾隆○○御製銘八十字小篆書陽文又南爲廓如亭二十四楹穹頂極望自此有橋徑度湖心寬可二丈高三四丈石欄旁緣各五十八柱爲門十七俗云十七孔橋虹臥微瀾俯鑒空慮水風吐納魚險少波橋西則龍王堂之東垂華門也入門卽堂堂後爲芸香閣堂右圓門內有院宇北爲涵虛門門後爲涵虛堂因山爲址石階繚上涵虛門西爲月波樓前有廳事額云詞林春麗涵虛堂後石階分左右下各十五級削壁從波中涌起額題風翠閒三字壁間石洞深可三四丈寬五六尺許波氣納寒晝入而夜此中北望萬壽山垣脊如蛇殿閣冠叢羣相拱揖緣石欄南轉部婁童柏夕陽冷睨浴鳧驚人踏水拍拍帶聲而起至西垂華門立石缸西望玉泉山塔負氣當波黃煙鬱霽還由風翠閒而東土阜背日柏柳護謾作水風聲遂復至橋出東門歸凡園中甕棟皆縮木縹瓷髹彤一新複殿重閣難可歷睇但就所瞻仰者恭紀於此庚戌與華峯由電鐙公所早發出眺遠齋後泝谿西行谿岸蟄亂石隨意強縮盤騰翳漪岸北古柏隊立翠碧迎送二里至青龍橋市如燕尾面谿背山往西山一小聚也三里瀕鑲紅旂營望山脊欄樓三重環環半墜左顧玉泉山塔壓湖而起湖波晃旭光射塔頂行三里望香山